

英京電音 ○初七日英京發來電報云紐花倫地方商民現已早訴英廷據言法國之所苛求殊為無理願英國勿從所請而英法兩國之戰船亦斷不宜強逼該處地方云云觀此情形誠恐該境不日應有亂耗矣危哉

法京電報 ○初七日英京發來電報云法國議院近當會議之期廷臣里勿在院內對眾云據一千八百六十二年英法兩邦所立之約觀之如法國未經允准則英國斷不能將山地峇國歸其保護云云電文如此爰照譯之

暹船擱淺近耗 ○暹羅兵輪前在鵝嶼擱淺乃迭經設法仍未將該船拯出而初八日下午本坡丹戎巴葛船澳復命馬九利輪船前往該嶼以設法將該船拯回惟尚未審馬九利此行否能有濟也

案再展期 ○前者周亞梅翻控蕭金長霍亞祿二人一案其案由業錄報而初七日復經府尊提訊時被告蕭金長雖延有西亞屈狀師代訴惟霍亞祿尚未延請狀師故特求請展期俾得延請狀師為之代理業經府尊准如所請而此案遂展限馬

輪船出售 ○本知亞那輪船前為叻商聯集公司購以為由叻往來彭亨等處現因無利可獲故該公司特行會議將其股份分拆即將該船發售嗣經丹戎巴葛船澳出價四萬八千元故現在該船已由丹戎巴葛公司買受矣

備律宜知 ○前者本坡護衛司控告陳永輝一案控而失直各節業經列報查其被控之故係因陳未領牌照擅藏新客故為所控也至於泉憲所判此案係照現在所定華僑出洋之律施行按一千八百八十年所立第四條第十一款律內有云凡華僑於未登船之先其有未備船稅者則至實得力之後應由護衛司將該船扣留於請有憑照之新客客館中迨將船稅清償即須將其釋出云云其律所言如此故在泉堂集訊時泉憲因問諸新客之船稅業已清償否被告對稱謂船稅業由客頭清償矣泉憲訊畢即判以被告得直此律內未有載明係屬何人償其船稅故惟有按照律文取義無論何人既償船稅即不能將其船留也此案既定故初四日護衛司署內人役即至各新客館內傳知所有各門概不得為之局閉須任諸新客自行出入如此律未經改定則諸客館無權可將新客船留諸新客有拖欠船稅等項未經償還則可向府堂控告等情是以現在地地有用華僑之人因此一事相與會議據謂既有此律章則國家何不自設一華僑之院凡諸華僑之未償船稅者即撥交該院夫如是則所益之處實有兩端一則欲僱華僑易於招募再則諸僑不至為客頭所挾制是則為主為僑均受其利所益之處實有甚多也其議如此但不審地方父母究將作何辦理耳

芙蓉虎患 ○芙蓉邇來信息云該處一帶地方虎患甚狂自昔已然而前日有牛車一輛車內坐有二人并一小孩道經甯甯路中時尚未天明不過僅四點鐘之譜乃駕駛牛車之人正驅車而前忽覺颯風突來直參鼻觀於暗中遙見一物迎面撲至諦而視之則巨虎也當時諸人見有虎至均覺驚惶無措而虎至車前亦不傷人但攫駕車之牛而去車內諸人遙見此虎拖牛至數武外之山林深處恣其嚼食飽而後去時諸人欲為逃避則駕車之牛已失不復可以駛行且以天猶未明道路艱於辨認不得已坐而待旦乃踉蹌至該處附近之鄉落暫寄行踪旋至差館報明此事而是晚七點鐘時該館西差偕同西人數名携帶毒藥至該處地方勘視其牛尚餘半身遺於山畔差因以所携毒藥抹於牛身而後歸翌早即命有差役六名往蹤跡之差至見牛復缺一腿知為虎食必中其毒無疑因細察虎跡而根尋之則十餘武外有虎倒臥其中業已困不能行差乃率眾放鎗將虎擊斃因量其身自頭至尾有九英尺三寸之長然則其虎之巨亦可見矣芙蓉虎患之狂如是殊為行旅之深憂哉


案情補錄 ○華商張源泰因購買刺汪公司股份一事控告西人經紀森麥一案控而失直各節均列前報但此案前由屈廉訪提訊業經判定而此次上控例應正副臬司三堂會訊而屈公亦在其中但屈公係承審原官照例當為迴避不能與訊故此大提訊該案時惟有烏卑二公會訊而已訊畢後在烏公之意則以張為理直惟卑公則不然則是否各半不能援捨少從眾之例以故是案遂格而不能判斷惟有仍照屈公前判而行故原告情有不甘因請向英京叩閣上訴云

叻中苦熱 ○南洋地方雖屬四時常燠然天氣溫而不熱故無酷暑逼人之患居民於此多稱便焉惟近來天久亢晴驕陽甚盛以致天時頗熱每當赤日行天炎威撲地而道途于後者倍覺其勞嘗就日來之寒暑針觀之辰刻則升至八十四度午刻則升至八十七八度若置諸日下則已百度有奇似此酷熱實叻地所罕聞以故近來痲疹之症頗多而昨接甲地來函則又謂甲中天氣亦復苦熱異常大抵該處炎威當亦不減於叻地也彼蒼蒼者天何莫早霽霖以蘇渴魴也哉

甲中金礦 ○麻六甲邇來信息云現有人在該處內地羽呂牙耶地方尋出金礦一區且採取匪艱不過破土十八英尺之深即見金苗且其成式甚高據識者所料礦沙每墩可得精金三安沙之譜然則礦苗甚美將來開辦若能如是則其勝算自有不可勝言矣

暹京近耗 ○前報暹羅國家控告暹京所設馬干代牙式西報一事昨接暹京來函有謂前日暹廷之律院大臣曾在德國領事官署與該報主筆會晤該大臣因語該主筆謂若將報務即行停歇并在各日報內聲明認罪則此案可以了釋不再為之控告云云但未悉該主筆否能許允也

蜜酒出賣



啟者本行由歐洲辦到上等密酒
來叻發售其酒甚佳茲將標頭印出
諸君光顧所為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 天 明碼也洋行謹啟




烏密酒發售



啟者本行向由英國督辦各
種美酒來叻發售久已遐邇
馳名茲復由英新辦到頭爾
士斗雲字號之狗頭標烏密
酒到叻應店此酒香奕異常
不惟飲之可口且能保養精
神調和血氣常飲令人不生
疾病誠酒國中上品也 諸
君光顧應細看以上所列之
狗頭標庶不致誤且價甚相
宜倘 諸君有欲酷飲者請
至本行取用可也此佈
大英一千八百八十八年八
月十五號 明碼也洋行啟

法國頂上蜂窠標萬蘭池酒出售




啟者茲本公司親由法國督辦頂上
好萬蘭池酒來叻發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬蘭
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂窠標頭
為記並細辨香味方不致誤價甚相宜
倘有躉份之躉者祈早至 惠臨沽買
是幸
大英一千八百八十八年六月二十號
大清光緒十四年五月十一日
明碼也公司謹啟


出賣三品



啟者本行督辦歐洲馳名三品洋酒來叻發售
其酒係白頭款式發售有年沽飲 諸君莫不
稱其香奕奈近有無恥之徒假冒本庄三品酒
欸式以圖魚目混珠情殊可恨嗣後 諸君沽
買本行白
頭三品酒
者請細認
本號招牌
之內有小紙包頭註華字新嘉坡明碼也公
司者始無佳若此字樣即屬偽冒請為細認特
此佈聞 大英一千八百八十五年十二月
十九號 明碼也公司謹啟




嘗思營生之道所最要者則惟數簿其次則惟銀兩然必須有以善藏始無意外此本
行鐵櫥所以為 諸君之所共賞也啟者本行所賣之鐵櫥久已馳名於東方一帶而
於叻坡則聲名尤著至本行沽賣此等鐵櫥已有三十年之久其製甚為堅固保能避
火且其匙鑰甚妙斷非盜賊等所能開計其 全身均用鐵製
無雜或並以木料且諸櫥自前至今均
為一式堅固前無有優劣之分至於各
櫥大小不一而價值則約一百元至四
百元凡用之者可保其不礙焚燒即遇
出火災亦無所損本行之鐵 實為叻坡諸華商所喜購而本行
每年所沽亦殊不鮮茲特為之錄佈倘 諸君有惠顧者祈即玉臨選購為盼
大英一千八百八十九年十一月十八號
大清光緒十五年十一月初六日



明碼也洋行謹啟

西國頂上密酒發售

Culmbacher Bock-Bier



敬啟者本行親由歐洲督辦頂上正裝密酒來叻發售其酒香爽異常且蒸製最為得法功能清涼解毒兼暑除煩於南洋尤屬相宜常帶飲之可令人不沾暑濕癘疫等症茲特將來發價甚相宜諸君欲購買者請認以上所印此酒標頭慎為告擇以免為魚珠之混是所切盼特聞此佈
大清光緒十四年九月廿七日
大英一千八百八十八年十月三十一號
美憐登洋行啟

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應諸君之聘倘有賜教者祈如期惠臨為盼
大英正月十一號西國女醫威勞付謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬富行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等行甚入精細能磨度無訛 諸君惠顧請即移玉 光臨為盼
大英一千八百八十八年四月十七號
美憐登洋行啟

新到頂上呂宋烟及各式烟等發售 ○啟者本號常有新到頂上呂宋烟發售其烟乃本號親在小呂宋採辦上料精工監製至本坡發售其烟之名號如 刺因修刺 刺千士丹西亞 刺巴刺 下路高美打民路烏里因知等名烟無不俱備又荷蘭及刺馬即仲光等烟亦常有便沽其荷蘭烟乃向荷京之蘭亞卓等家購至而刺馬即仲光之烟則向仲光曼多尼等名廠家購辦載來而本號并售紙捲之烟乃將西國之頂上名煙捲就如成馬愧刺勞士 刺因修刺 普兒那勿刺乙 瑞乙加波路等 各名煙均無不有此乃向美國普兒那地方亞蘭仁打號所選購其香清越其味醇厚令人吸之心曠神怡迥非他家所及其土耳其之紙烟乃向土京毛刺池公司採辦而本號并有督辦頂上之棉不勞參及馳名之直里加士打即三金塔之美國烟絲發售以備 諸翁自行捲用並常有呂宋烟袋及各烟盒呂宋烟嘴等發售而烟嘴之款式甚多可備 諸客選擇並自辦各式烟紙如 威峇 高士模寶米乙 然 馬路居士 埃奧奧等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至十庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞
大英一千八百八十九年十一月廿六號
打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因修刺者烟此乃天下馳名久為眾士商所共悉其意濟拿裝者乃特聘西國之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞峇柔園中所產之頂上烟葉所製此烟於前者歐洲開設賽烟會之際曾經往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天下而 諸士商所樂為之購買者也是以本號另行分枝一間在新嘉坡土庫花園邊第八號門牌吉靈拍賣館之隣以便諸紳商人等時加惠顧以應所需倘蒙 諸翁賜顧尚懇移 玉前來以憑選擇本號於西國各烟無不備有且其價格格外從廉尚懇惠臨不勝厚幸特此再啟
英一千八百八十九年十一月廿六號
打峇基里亞幼尼巴西烟店謹白

吉屋出賃 ○啟者茲有便厝一間在老爺宮前門牌一十五號即協恒隆現住之厝諸君欲稅請至本號面議此佈
大清光緒十五年十二月初二日
豐興號謹啟

京報選錄 ○頭品頂戴閩浙總督臣卞寶第跪奏為恭報出省校閱營伍日期仰祈 聖鑒事竊照光緒十五年輪應查閱閩省營伍奉 旨派臣校閱由部恭錄咨行到閩即經轉飭欽遵嗣於上年八月二十六日出省校閱延建邵各屬營伍官兵事竣於九月十三日回省即經督同司道辦理武備事宜竣事後時值冬令復調集省會游綠各營官兵逐一分日考校各項陣技均經恭摺奏報併陳明下游各府州營伍俟明歲融另行定期前往各在案茲臣擬於本年閏二月十三日出省校閱泉永汀漳龍各府州屬營伍官兵並至廈門校閱水師所有巨署一切日行事件照章飭委署藩司張國止代印代行遇有緊要公事暨題奏各案件仍包封遞送行次由臣自行核辦以昭慎重其通商事件交涉中外向係隨到隨辦如有緊要臣已咨交福州將軍暫行主稿核辦以免稽延所有微臣出省巡閱營伍起程日期理合專摺具陳伏乞 皇上聖鑒 奏奉 硃批知道了欽此 ○李瀚章片 再粵海關監督長有在任兩年有餘於關稅事宜實力稽徵勤慎職守所有應徵正款盈餘銀兩除照舊徵解足數外光緒十四年溢解常稅銀四萬五千三百四十餘兩十五年溢解常稅銀四萬五千三百八十餘兩核計兩年中共溢解銀九萬七百三十餘兩時因各省災艱急需會捐鄭州賑銀一萬兩江蘇賑銀五百兩山東賑銀六百兩又於抵任後迭准戶部電飭以鄭工吃緊由關款撥解銀一百零九萬五千兩均能設法趕匯俾應需並無貽誤核其司權之勤奉公之力徵收既屬有贏無絀且能篤念災患共濟艱難海關竭誠任事此外交涉事件持平核實均與前督撫臣會商妥辦伏查近年粵海關監督倭啟崇光緒增潤等辦理關務出力歷經督撫臣奏明濬蒙 聖恩優加獎勵分別以副都統三院卿候補在案今該監督長有任滿交卸臣等甫經抵任公事晤商為日雖暫伏稽之案牘其辦事出力既有所見不敢壅於上聞謹據案附陳伏乞 聖鑒 奏奉 硃批長有以內務府三院卿候補欽此 ○倪文蔚片 再署布政使按察使賈致恩前捐山東本籍暨江浙賑銀兩次共銀一萬兩聲明不敢仰邀獎叙經臣附片奏請獎勵奉 硃批戶部核議具奏欽此嗣准部咨按照常例銀數減五成請獎虛銜 封典並准移獎子弟等因咨行前來臣查賈致恩故父大學士臣積曾請追贈三代一品封典該署藩司本身又已有二品銜是虛銜 封典皆無可請若前任陝西布政使李用清捐鄭工銀一萬兩奉 旨賞加頭品頂戴花翎係出 特恩非敢擅請惟粵海關監督長有捐助賑賑一萬兩經前兩廣督臣張之洞奏請援照前任監督增潤捐捐具明湖建遼水操學堂銀一萬兩粵海軍衙門奏請二品銜花翎之案辦理光緒十四年二月初九日奉 旨長有賞加二品銜並賞戴花翎欽此欽遵在案查海防捐例三品以上捐銀二千兩准給花翎可否仰懇 天恩賞戴花翎之處似於部章尚屬相符謹附片具奏伏乞 聖鑒訓示謹 奏奉 硃批著照所請戶部知道欽此 ○李瀚章片 再知縣為親民之官非才識老練聽斷明不足以資治理茲查有廣東東莞縣知縣王照才具庸懦兼有嗜好擬請勒令休致潮陽縣知縣陳樹楷辜寡斷不洽輿情開缺畚省另補合浦縣知縣林兆禛識見淺陋聽斷無才惟係舉人出身文理尚優擬請以教職歸部選用據署藩司王之春臬司王景賢詳請奏參前來臣等覆查屬實謹合詞附片具陳伏乞 聖鑒訓示再東莞潮陽二縣均係海疆要缺例應由外揀調合浦縣係屬選缺廣東省現有應補人員容俟接准部咨分別具請補合併聲明謹 奏奉 硃批另有旨欽此

蒙恩頌德 ○啟者本號向在小坡新街利街開設烟廠為業向安無異不意於四月十七日被匪徒暗插私烟一罐在於店內因架書并即通報萬成美烟公司到店將該私烟查獲并將余執送於案嗣幸公司明察查知小號之冤故於二十六日在府堂審訊之時公司特懇府憲不為示罰并將余開釋余深蒙公司大德愧無以報爰附數言於報內藉以誌其銘感云
大清光緒十六年歲次庚寅五月初九日
小坡新街利街泉豐烟廠杜顯良謹白

新省賑捐 ○前奉 欽差大臣薛 面委勸辦浙江賑捐本坡樂善諸公業已踴躍捐輸集有鉅款其檳榔嶼通和各埠現委候選教諭陳國經前赴勸辦謹此預聞
大清光緒十六年五月初三日
陳金鐘謹啟

新出歌曲出售 ○啟者茲本號有新製歌曲出售其書係用西字串成穆拉油音此書新製異常計共有三百九十七調其中言情寫麗以及一切嬉笑怒罵均無不有曲盡兒女之情計每本沽銀七角五分 諸君有欲購買者請至本號選購便得此佈
大清光緒十六年五月初三日
土庫街星利因華士西書店及小坡新繪豐號同啟

渣甸正理輪船 ○敬啟者茲有巴密輪船一隻名源生於數天後由望加勞於初二日啟行初十日必能抵叻上落貨訖次日啟往 香港
汕頭 廈門 淡水 臺灣府 福州 上海等處 貴商如欲配載及搭客者請至本行相酌此佈
大英一千八百九十年六月二號
大清光緒十六年四月十五日
威廉遜施實略洋行告白

代收家業 ○啟者茲因原告已故楊天泉掛沙人黃色梅控告已故楊源財掛沙人王温娘之案經臬憲於一千八百九十年三月八號委派拍賣人軒尼晏都尼奧吉靈為代收數項人將所有楊天泉之家業及被入所欠之項等概為收討倘諸人等曾有收到已故楊天泉之產業及器物等可即交該代收數項人軒尼晏都尼奧吉靈之手其有欠到楊天泉之項者亦須即為交還該代收數項人之手以歸清楚特此佈聞
大英一千八百九十年四月二十九號
大清光緒十六年三月十一日
原告狀師直汝尼卑亞謹啟

